

Taitaasihopi Utipihho Kimandi Taitasihopi Utipimandapi Nesipihande

Taitaasiho so Porihomi pwiha nunyati natausaasisawhiyaami wore. Ko ami Porihomi otipipati kahati kahati kawisahore. Porihho naasikura Timotehopi utipihho jho jipatipaisura ami Taitasihopimoaisangi kura jipatipiyahore. Taitaasiho Autaahaatihomi isihiyai iwinjatitandi aimi nomasihura kimo utipimo Porihho jipatipiyahore. Porihho Timotehoai pwiha kaundati jipatipaisiha ami ka naasika Taitasihopisangi jipatipiyataise. Komi jipatipaisiha Autaahaatihomi isihiyai iwinjaawi bimohiyhiyaapuni ami Autaahaatihomi isihiya Kopi giwunyaahohiyhiya kiyaami siswi piwaatiwi daiwi bimitaatiwihiretapi neti japihi giwunyaati kaundataase.

Taitasihopi Pwiha Napimasataise

Porihho Taitaasihoai ipihirete gaahuraare undisaha (1:1-4)

Nyah Autaahaatihomi isihiyai iwinjaawi bimitaatiwihiyai namihandhaawaahi kiyaami daiwi kaiwi bimohirihireti biyaati mmonaati kainjaati ipoti namihandhaawe undisaha (1:5-16)

Porihho Taitaasihoai satipi kaundipi ami saimbi katipunje undati kaundisaha (2:1-3:11)

Porihō komi daayati otipipati kiyati
 bimirihiretapi piwaha kaundati ami jhaati
 ipihirete gaahure undati komi piwaha
 kaundati osasepihaasiha (3:12-15)

¹ Nini Porihonini piwaha kima jipati piyataayo. Nini Autaahaatihomi otipipatihonini ami nini Jisaasihomi kaiwaiwaapi ausaati piwaha kaundatandihonini Jisasi Kiraasihomihonine. Ko Jisaasiho nanimahanati ahinihihonine, ishiya Autaahaatihō japihi numwaati ishiya kimiya aimi nishiye tati namihanati ahewisawishiya nahatiyaami Autaahaatihopi gwunyaahotihandi neti watipurimati utaaremwatandi natanoaasihihonine. Aindi ami nini piwaha titih akaahaahih kandunjato. Sa piwa atisawaawi Autaahaatihomi gwinyaati maaritirihiretapi gwunyaata nusesipatonihikireti japepihiritaatiwihaare. ² Nini kiyaami gwunyaahotihandi neti watipurimaitande. Ami Autaahaatihopi kiya gwunyaahotindami tanyaaha siyate. Kiya asiyaaimatiwi Autaahaatihōaisawi maasi nasisoari bimitaatiwihandi Autaahaatihō nunyonihinaitaatiwi gwinyaapi maaritiwi jatotihandi kiya naitapo, tati nasoanati noaipataise. Jihimehura Autaahaatihō kahapaamapi pa sangi kiyati ahiyahura asiyaanimatitihahandi nanyamitandi aimi katati ahiyahanditithe. Iyati ko Autaahaatihō titih akitinihikatahore. Aihisandapi nini kiyaami gwunyaahohitihandi neti watipurimati anditiwiwataayo, kiya maaritiwi watipitiwi

bindawa sandi asiyaanimatitihaahandi
 Autaahaatihominyamitandaindihandapi
 jatitaatiwo. ³ Aihikomiasisihagwinyaaasiheti
 isihiya usaisi namihanati natausoasataise,
 komipiwihagaaha awusaitaatiwo. Sa piwa
 isihiya asimatitaatiwihandi naitaatiwe, tati
 netiausaimaninati isihiyaisi nunjataise. Iyataati
 aminingisangisi piwihasiika awusaitandi
 Autaahaatihominyangisi japihi nanyamaasihomoni
 mahanati ahinihihonine.

⁴ Taitaasihone, kima piwihakinyapi
 niniporihonini jipatipaindi nusoaasataayo.
 Autaahaatihomipiwihagisininikahitonihini
 amikinyi kopigiwunyaahingitihandaahi
 kinyi noaipapititihini nisi maasihihone.
 Aimbiamigisangi isihiyaani taahiyihiyaani
 Autaahaatihopigiwunyaahohipatamataimbini
 giwunyaapihone. Apiho Autaahaatihonini
 nyangi japihi nanyamaasihomoni Jisasi Kraisihonini
 kindarigaahatikahimigitatamanisaihinikinyi
 napaisaati baimbini bimitaapi nininunjenitini
 kindarapi gaapundataayo.

Taitaasiho Biyati Mmonati Autaahaatihomini Isihiyai Iwinjatitaatiwihiyai
Namihandandihandapihaare

⁵ Durihirineti otaatemasipati yapipati
 Kiritihanda ninigisiningimasisi nasotimandi
 apaapimaaheni. Otipipati wapa sangititihemandihini
 kapa kinyi nepititihemapini owemaitaape.
 Aimbiamigisangi isihiya Autaahaatihopigiwunyaahohiyihiyai
 iwinjaawini bimitaatiwihiyai namihanipini

ahiwitaape, yapipati Kiritihandami aunahipa nahatewaaraaho, nini jhi aimi piwaha kahitohirihiri kireti japepiliripo. ⁶ Isihiya kimiya haiwa kaiwihiyai namihanipi ahiwitaape. Autaahaatihomi isihiyai iwinjaawi bimitaatwihiya ishiyaami ndiheti maati maatihiri wapa kamaiwihiya. Ami kiya apopati nehi naasaamaatisawihiya. Iyataati ami kiyaami manyinya baiwi Autaahaatihopi gwunyaapihiya. Iyataati ami ishiya kiyaapi saiwi saiwi maipihaiwa kaiwihie maatiwi apihimanahiya. Ami kiyaami sani sapiyaami piwaha baiwi napaitwi atiwihiya. Saiwihiyaisi kinyi namihanipi ninaasiyai kapihi kapihi ahwise, Autaahaatihomi ishiyaami mitihiyaimatiwi kiyaisi iwinjaawi bimitaatiwo. ⁷ Autaahaatihomi isihiyai iwinjaawi bimitaatwihiya saiwihiyai ahwise. Sandi nini apaapimaato. Kinyi aimi mmonipi gwinyaapihone. Isihiya noaipapi Autaahaatihopi gwunyaahohiyihiyaami mitihiyaimatohiyihiya siya Autaahaatihomi otipipati jaawi bindawa kawitaatiwihie. Isi kiya baiwi itatamanwi daiwi binyaihi ishiya kiyaami maipihaiwa wandi mausopihiya. Aiwi ami kiya wiritiwi maati maati miwihiya. Aiwi ami kiyaisi apowitandihandi keti namwaipahiya. Aiwi ami kiya waapoho namaanwi namaahariwihiya. Aiwi ami ishiya usaisi tiwohipati namepi kamaiwihiya. Aiwi ami kiya nawho taahho waati naitaatwihandapi maarho namunyawihiya. ⁸ Aiwi kiya ishiya kaanhi wapihapihiya

napisaih+hiyai baiwi p+waund+w+ numwaap+ iw+tataman+w+hiya. Aiwi ami gaahaiwaah+i+ napait+w+ japepih+r+w+ kaitaat+w+ ap+paahi maarit+map+hiya. Aiwi ami kiya t+i+h+ gaahiya ainahiy+hiya bindawa Autaahaat+homi+h+ret+ baiw+ japepih+r+w+hiya. Aiwi ami kiyaami amb+patami maaritiwaiwai baiw+ ip+hatiw+ jatiw+hiya. ⁹ Autaahaat+homi p+w+ha Jisaasihomi kata kaiwaiwaap+ha nyah+ kataunjot+ha biyati an+isati namaamati is+wataho. Ko siyati Autaahaat+homi is+hiyais+ p+w+ha akaaha kataunjati and+i+wiw+itando. Iyataati is+hiya usa nyami p+w+ha kataunjot+hai nemapi tip+ ip+hatiw+, wa kat+iwunjoh+haap+ sa p+w+ha akaahaamaahe neh+he, tat+ kiyais+ net+ nunj+itando.

Yap+pati K+rit+handa Is+hiya Taahiy+hiya Jaip+paisahiya Bindawaapo

¹⁰ Sandi kah+tot+mandi apaap+maato. Is+hiya Judaahiya taahiy+hiya K+raisihop+ aim+ g+wunyaahohiy+hiya kiya kiyaami j+haiwa namaamapi an+tiw+ is+watawaaw+ kataunjoh+hai ip+hatiw+map+ is+hiyais+ kaiwa tip+ naupw+ kat+iwunjauh+to. Is+hiya siya Judaahiyaami kiyoh+pati kaiw+ is+hiya Jisaasihop+ g+wunyaahohiy+hiyaati nahatiyaati sami amb+pati namandipatiw+ise, tiw+ kat+w+hiya sapi+h+ K+rit+handa bimauh+ kandapi kah+to. ¹¹ Is+hiya saiw+hiya siya maip+hati kaiw+ is+hiyaami naw+ho nusaitaapo. Aiwi kiya nyah+ Jisaasihop+ g+wunyaahohiy+hiyaan+i+ wiwa kamaitaahetahaiwa kaiw+ is+hiyai

katiwunjitaapo. Kiyaami saiwaaraahi ishiya usaisuni ami nususasini naasusasisuni nepi kiyaami maariho gwinyaahohiwaiwa nepi nusopisasiwahiye. Isi isiya siyaami kiyohiwaiwaapi owe saiwa windi kamaiwise, undipi iphatimbi kiyaami maahomwaanini wisapupe. ¹² Jihura yapipati Kiritihandi kandaahapiho wo amitiha gaaha gwinyaaho satati katise. “Ishiya Kiritihandaahapihiya apipaahi jaipipaisahiye. Kiya kohasipihoni ainjhipipana ndapa pihitati naninjati nandapaapi uripipasihini pohipaiwi ahosopatamataiwahiye”, tati katise. ¹³ Ye sa piwa titihini akaahaare. Isi kinyi kiyaisi baimbi piwihani watipitipi kaunde kiya kiyaami giwunyaahohitihandi baiwi japihi titihematito. ¹⁴ Aiwi ami kiya piwihani kiha kiha jaiwitiwihani atihirini ahiyawini baiwi Judaahiyaami bausandisawihiyaami piwihani atihomaawitaatiwo. Aiwi ami ishiya sawana kiyaami winihapihika hatamatipetahapa isiwatawani piwihani akaaha dawaatemahohitihandi namaitaatiwo.

¹⁵ Utaaho Jisaasihopi giwunyaasihoni ishiyaami piwihani mambihaiwai nemahonihini kandapi Autaahaatiho koaisi kinyi maipihandi kiyapaise munditaise. Owe. Iyataati utaaho wo Kiraisihopi giwunyaasihoni maipihoni komi kaimbipa nahataapa sapa Autaahaatihomini ndihetini maipihaiwandaise. ¹⁶ Aiwi ami kiya kiyaami maahomwaanapi satiwini katiwahiye: “Nyangisi Autaahaatihopi ginunyaatini nanyesipatahiyaane”, tiwihyaare. Satiwini katawaahandi kandi kiyaami kaiwi japepihiriwini

bimohitihandi nyahi mmonithaawi kiya
 Autaahaathihoi ahosumwahauhi nyahi
 usonahaayo. Autaahaathiho kiyaapi windi
 api-paahi maarimitise, kiya pi-wiha baiwi
 atihomiwi pi-wiha namapihiyaasi wiwa ami
 titihi gaahaiwaapi nenoaahiti-wihiyaasi windi
 kamaitauho.

2

Gwinyaahiya Aunhiyaapihaare

¹ Isi kinyi koninini namaamithaapi pi-wiha
 akaaha ishiyai katipunjingirihiri kireti
 japepiliripi katipunje. ² Kiya gwinyaahiya
 aunhiya ushiyai satipi kaunde. Sahi ishiyai
 usoniwi gwinyaitaati-wihandapi sami amitiha
 biyati nasesipatane. Ishiya kimo nyami
 awaisihoe tiwi kinyi pi-wiha atihitaatiwe.
 Iyataati ami sami ambipatami maaritindihandi
 baiwi ipihatiwi jatitaatiwe. Awi ami
 pi-wiha titihi akaaha sahi baiwi atiwi nepi
 gwinyaitaatiwe. Awi ami ishiyai maaritho
 nunyaw gaahati kawitaatiwe. Awi ami
 samiheti naanjhaiwa nasoaipahonih kawai
 ipihatiwimap andititwi bitoaitaatiwe unde.

³ Aimb ami ashiya aunhiyaisangi
 naasika satipi kaunde. Sahi ashiyaati
 aunhiyaati itatamaninwi anini ainahiyihiyaati
 bimaawise. Awi ami sahi wo waatami
 wapa kiyonhapaapi siya siyopo tiwi ishiyai
 katiwunjaw dahomaiwase. Awi ami sahi
 waapoho naharitaati-wiho nandaati-wihandapi
 maaritho namunyawise. Saiwa kamaiwi
 titihi gaahaiwa katiwunjitaatiwe unditaape.

⁴ Kaundisamihî amî kiya asîhiya aunîhiya kinyî katîpunjingîha nepawî asîhiya gwînyaahiya apwainyîhiyai katîwunjisaihi amî kiya atiwi nepî baiwi warisaisunî amî kiyaami manyinyaisunî maarîho nunyawî gaahati kawito. ⁵ Aiwî amî kiya kiyaami ambîpatami maaritiwaiwa baiwi ipîhatiwi jatîtaatîwo. Aiwî amî kiya kihiyaisawi dahomaiwi anîni ainahiyîhiyaatîtaatîwo. Aiwî kiyaami anîpîpîhi napaitariwi otîpîpati baiwi kaitaatîwo. Aiwî amî warisaami pîwîha kaundotîha napaitîwi atîwiwi kaundohîpîpa kaitaatîwo. Saiwi kiya kaisaihi isîhiya usa kiyaami gaahati wanîhati mmonawa Autaahaatîhomî pîwîha akaahe tîwi gwînyaawaawî kiya wîndî Autaahaatîhomî pîwîhaapi sisîpîhimaatîto.

Pîwîha Gwînyaahiya Wainyîhiyaapîhaare

⁶ Amî usîhiya gwînyaahiya wainyîhiyaisangi pîwîha kîma naasîka kaunde. Kaundisamihî kiya kiyaami ambîpatami maaritiwaiwa baiwi ipîhatiwi mapî jatîtaatîwo. ⁷ Aimbî amî kinyî kîwahongisangi nasisoarî gaahaiwaahîhi kaimî numwe. Saisamihî isîhiya kinyî gaahaiwa nahatewa kaingîwaiwa baiwi gisopi nepî kaiwa kaito. Aimbî kinyî pîwîha katîpunjapaahura pîwîha baimbî akaahaahi katîpunjapaapi pîwîha akaaha nahata ausaapi kaunde. ⁸ Aimbî amî kinyî pîwîha nehî tîtîhi akaahaahîhi katîpunje. Saimbî kinyî gaahati kaisamihî gwînyaahohiyîhiyaanangi isîhiya nyapatitotîwiyawa, kiya gaahati kiyauhi nyahi

maip+hat+ kawisono, t+wi mauson+hi nyap+
p+w+ha maip+ha w+nd+ kamaanyat+taat+wo.

Ot+ip+pat+hiyaap+ P+w+haare

⁹ Aimb+ am+ ot+ip+pat+hiya naw+ho namep+ neh+
ot+ip+pat+ kiyohiy+hiyai wat+ip+t+ip+ kaunde, kiya
kiyaam+ awaisaw+hiyaam+ p+w+ha nahatewa
kaundoh+waiwa baiw+ at+wiw+ japep+hi+to.
Aiw+ am+ kiya kiyaam+ awaisaw+hiya ot+ip+pat+
sapa kanyito t+wi maarit+w+ gw+nyaaahoh+ip+pa
baiw+ kawito. Aiw+ am+ kiya kiyaam+
awaisaw+hiya p+w+ha kaundisaih+haap+
wihoan+ nep+ yahw+w+ w+ret+imund+taat+wo.

¹⁰ Aiw+ am+ kiya kiyaam+ awaisaw+hiyaam+ wapa
ot+hat+hap+ n+naasonyaah+ ikon+w+ namausaito.
Saiw+ ikopa kamaiw+ tit+hi ainahiy+hiya
itataman+w+ kahapaamap+pa iwinjatisaih+
kiyaam+ awaisaw+hiya, nyam+ ot+ip+pat+hiya
gaahiye t+wi maarit+taat+wo. Kiya saiw+ gaahat+
kaisaih+ is+hiya usa mmonawaaw+ wipaiw+
wan+h+ret+ kaisaih+ Autaahaat+ho nyangi jap+hi
nanyamaas+hom+ p+w+ha katawaunjoh+haap+
mmonawa tit+hi akaahe t+wi gw+nyaitaat+wo.

*Nyah+ Ainahiy+hiyaan+in+ Bindahaaw+
K+raisiho Jap+hi+ Nap+tais+ Jat+it+haawo*

¹¹ G+wunyaahohiy+hiyai k+ny+ wat+ip+t+ip+
p+w+ha akaaha kat+ipunjuh+tot+imand+
apaap+maahe, Autaahaat+ho is+hiya nahatiya
yap+patamb+hiyai gaahat+ kaw+sat+ Jisaasihoai
natausaasih+ k+maap+ yap+pataap+hi
nasataise, is+hiyai jap+hi maip+handaat+hap+
numwaitando. ¹² Autaahaat+hom+ gaahat+

kanyipati nanyisataise sait+haawo. Autaa-haatiho w+ndi maar+mitiwaiwa kamaaya namait+haawe. Iyataati ami nyami amb+patami maaritir+i+reti japepih+ra kiyoh+patamatiyaati w+ndi kamait+haawo. Iyaati ami nyami amb+patami maaritiwaiwa daah+ ip+hatisaati tit+ihi gaahaiwaah+ nahatewet+ kiyaa+ti Autaahaat+hom+hiyaanimataati wani kimura yap+mbataap+ihi bimit+haawo. ¹³ Nyahi siyaati kiya awaindahandi maarit+i+haahandi nanyoaipaitand+handapi jat+i+haawo. Sandi nyami Awaisiho Autaahaatiho wat+piho jap+hi nanyamaasiho Jisaasiho kom+ yundanyaahaisati jap+hi nap+tand+handapi jat+i+haahandap+to. ¹⁴ Jisaasiho so nyahi nahatiyaanapi nyangi nyatatamanati nanyamaitandi kom+ amb+pati ip+ tit+ihi ataw+hateti nunyanataise. Nun-yainj+i+handaa+hi neti gaahiyaanenyamataise. Nyahi noaipawaati tit+ihi kom+hiyaanimataati gaahaiwaah+ihi kait+haahandapi ap+paahi maaritaamait+haawo.

¹⁵ Saiwa aimi kah+tohiwiwa namaam+haap+ kon+i+hi giwunyaahohiy+hiyai nasisoari kat+punje. Piw+ha akaaha katahunjoti+ha baiwi atiwi nep+ japepih+i+ta wat+pi+pi+ kaunde. Aimb+ ami is+hiya piw+ha akaaha ka atiwi gw+nyaawaahandi kandi piw+ha akaaha kai ahosumwahohiy+hiyai ami k+ny+ tit+hepumap+ kaunde. Saiwa k+ny+ and+i+ti+pi+ wat+pi+hon+ awais+hon+imat+pi+ wat+pi+handisapi kaisam+ihi is+hiya gi gisonawaawi, utaaho wat+pi+handisa kiyataisi kom+ piw+ha akaaha kandaase, tiw+ gw+nyaitaatiwo.

3

Kima Pwima Kraisihomhiyaan-ini Gaahaiwa Andititaati Kiyaaati Bimithaahandapahaare

¹ Kinyi baimbi ishiyaisi gwinyaitaatiwihaiwa jhaati kaunde. Kaundisamihiki kiya baiwi kiyaami gamanihomi piwahauni ami gamanihomi otipipatihiyaami piwahauni baiwi atiwawi japepihirito. Aiwu ami kiya otipipati nahatewa baiwi kaitaatiwi timetitaatiwo.

² Aimbini amini kinyi baimbi kiyaisi kaunde kiya ishiya usaapi maipihaiwa katwini windi itihimaatitaatiwo. Aiwu ami kiya itihinniniwini ami timundaatiwo. Kiya itihimaniniwini nehi maarho naasohitanihini bipisi ishiyaami ndiheti bimitaatiwo.

³ Nini sandi katohitimandi, jihura nyangisangi biyaati gwinyaitihaahandi owetihini Autaahaatihomini piwaha nemawaahiyaane. Iyataati Bwaasirihirini jaiwinyatihini naharisaati kihaiwa kihaiwa kiyahaayo. Kiyonihini nyamini ambipati maarho gwisahaami maaritindihandi noaipati apipaahini watipindaati nyamini maarho kaiwaapi nyandotaise. Aihini nyahini ishiya usaapi itihitani mimaipiya usonaati amini ishiya usa kahapaamapipaisahiyaisi usonahaawini kiyaapi aponyahiyaane. Iyaati amini nyamini tiworisa nyapini itihitiwini pohipinyisauhini amini nyahini yawanaanisangi naasikati kiyaaati itihina pohipinaahiyaane.

⁴ Siyonihandini kandini Autaahaatihoni nyangisini japihini nanyamaasihoni nyangisini maarho apipaahini nanyinyati nyamini naisohoematataise. Ko siyati kaindihandini nyamini ndiheti auta

noaipasiti mandi kandaahi nyangisi japihi nanyamaataise. ⁵ Autaahaathiho nyangisi japihi nanyamaasiti mandi, nyahi biyaati bindihaawi gaahaiwaahihikiyonihi nyasonati gwinyaataati kandapi japihi nanyamaataamaise. Owetise. Nyahi wiwa gaahaiwa kaitihaahandi apipaahi owetihihandi kandi ko nyapi maaritho asipinyindihandaahi nyangisi japihi nanyamaataise. Autaahaathiho nyami maipihaiwa bausati nenyamasihiki nyahi noaipawaati wanhiyaanini manyinyaanimatahaayo. Aihiki Itipihho Gaaho asiyaanimatitihahandi nanyinyataise. ⁶ Jisasi Kiraisiho nyangisi japihi nanyamaasihomi otipipati awaindihandi kaindihandaahi Autaahaathiho Itipihho Gaahomi watipihandi waati tisaahiwati nanyinyataise. ⁷ Ko siyati kaindimandi nyami maipihaiwa nahatewa nenyamati nyangisi nisihyaati gaahiyaati ainahiyihyaate, nyatitande, Jisasi Kiraisihomi maaritho nyapi asipaindihandaaho. Iyati ami ko nyapi Apihho nanyamihainjiti handapi siya asiyaaimatiwi nasisoari bimitaatiwihandi naitaapo, tati aimi ko katati ahinyihihyaane. Sandi asiyaanimatitihahandi naito taati nyahi gwinyaawaati jatotihandihiki naito.

⁸ Kima piwima nini aimi kandi jipati piyohi matitihiki akaahaare. Isi ka kiyaisiki nyi baimbi ausaapi kaunditaapi nini maaritahaayo. Saimbi kaisamihiki isihya Autaahaatihopi baiwi gwunyaahohiyihya kiyaami gwisaha maaritho titihiki gaahaiwaahihiki kahamatipetahaiwa kaitaatiwihandi notikiyaamiheti watipititando.

Iyataati saiwa gaahaiwa isihiyaisi nga biyati gaawimatitandihaiwe. ⁹ Iyataati isihiyaami kihaiwa kihaiwa katiwu nasenihotihanduni, ami saisatoyaami ambipati ahiyawu piwaatotihanduni, ami itihapipauni ami Mosesihomi winihapipaapuni itihinniwu kiyohiwaiwa saiwaisi kinyu namasisi gisi kaanihi yandhi bime. Iyataati nyahi saiwaapi aimi ginyunyaatahiyaane. Saiwa nyahi gaahaiwa kaitihaahandapi neti ginyunyaati nanyisitandihaiwaamaahe. Owetise.

¹⁰ Iyataati utaaho wo maipihaiwa kihaiwa kiyati neti Autaahaatihomi isihiyaisi tipitapaahaara kaisihoai baimbi yataira titihepumape. O kinyu saimbi titihepumasamihandi kandi ko windi biyati atihomaahisonaahi gaasi koai ahosumapi namihaapusoaase. ¹¹ Kinyu gwinyaape. Isihiya saiwihya siya daihira titihi gaahira namasisi aimi maipihira nowaayopo. Iyataati komi maipihandi kaindahandi kandi neti koaisi nusopisatasaise.

Piwaha Ipotihaare

¹² Isi nini Atemaasihoaisangi ami Titikaasihoaisangi kinyapi nandusaasisanaahi kinyu keti kuraanihi dosisi ningisenda Nikoporisihandaahapi namme. Kinyu aimi gwinyaapihone. Mbipa waati mbwaataati durihiri waati tiwayaati kiyonaahi Nikoporisihanda bimito hititi kahitonho. ¹³ Utaaho kimo Romihyaami winihapipaapi biyati kataunjisho Sinaasihoaisuni ami

Aporosihoaisuni kinyi baimbi daihira kurami napitaatimihira daupwi natipusoaaase. Saimbi kaisamihiki kuri daihraapihapaapi windi nenoaahimetitaatimo.

¹⁴ Nyamiki isihiya Jisaasihopiki baiwigiwunyaahohiyihiya nahatiyai kaunde, isihiya usa kahapaamapipa wapa anditwihonihiki bimitaatiwihapa nausetonihiyai numwitaatiwihandapiki andititwiki baiwigiwunyaahohiyihiya hitahaato. O kiya saiwa windi kamaiwiki nehiki bindawaawaahiki Autaahaatihomihiretiki windiki minjapepikiritaapo.

¹⁵ Isihiya Autaahaatihopiki nisataiwigiwunyaahohiyihiya kimbihiki ningisawiki maasiki bimohiyihiyauniki amiki ninuniki gisiki ipihirete hitahaato. Isi amiki nyamiki ipihirete hitotihandiki nepapiki sapihiki nyamataiwiki Autaahaatihopiki giwunyaahohiyihiya nyamiki naisihiyaisiki ipihirete unde.

Autahaatihoko gaahatiki kasisatiki jatatamanatiki jainjaatiki bimone undatiki Porihoko Taitaasihoai kaundataase.

Autaaahatihomi Piwaha Gaaha Waniha
The New Testament in the Angaataha language of
Papua New Guinea
Nupela Testamen long tokples Angaataha long Niugini
copyright © 2004 Wycliffe Bible Translators, Inc.

Language: Angaataha

Translation by: PNG Bible Translation Association

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-11-17

PDF generated using Haiola and XeLaTeX on 3 Mar 2023 from source files dated 9 Oct 2020

b83b4d2c-30be-5f11-8fb0-fa04e4808bad